

# ЯКСТЕРЬ ГАЛСТУК





Сембе масторонь пролетариятне, нуromoда марси

# ЯКСТЕРЬ ГАЛСТУК

(Красный галстук)  
**ЖУРНАЛСЬ**

Лисенди 7-це кизось

8-це №  
АВГУСТ  
1939 к.

Пионеронь и школьниконь эрь  
ковня лисенди журнал.  
НОЛДАЙНЗА: ВЛКСМ-нь  
Мордовский обкомсь и  
МАССР-нь НКП-сь

Ответ. редакторсь Н. ТИШКИН  
Лит. редакторсь Г. ПЬЯНЗИН

## НОМЕРСА СЪОРМАТФ:

Од вийса отличнайста тонафнемать инкса . . . . .	1
П. Г. Антонов—Кафта эпизотт . . . . .	7
Г. Т. Стабровский—Хасан эрьхть лангса . . . . .	9
Ф. Бикеев—Мялец летчиокс . . . . .	11
Н. М. Курков—Штыковой атака . . . . .	12
А. Малькин—Павазу итть . . . . .	14
Я. Пинясов—Ляйть ушетксоц . . . . .	15
Ф. Бикеев—Лагерьса . . . . .	21
Ф. Дурнов—Калонь кундайхть . . . . .	22
И. Ерочкин—Розь . . . . .	23
Ф. Дурнов—Кизонь пизем . . . . .	24

Сдано в производство 15 сентября 1939 г., подписано к печати 3 октября 1939 г.  
Формат бумаги 72×105<sup>1</sup>/<sub>2</sub>. Объем 3 п. л. Услелн. Главлит Б—65. Тираж 900. Заказ 3907.

г. Саранск, тип. «Красный Октябрь».





## ОД ВИЙСА ОТЛИЧНАЙСТА ТОНАФНЕМАТЬ ИНКСА

Тяддень тонафнема кизось уше-  
ды од обстановкаса, мзярда минь  
паньчфокс-панжи социалистичес-  
кый странаньке сувси социализмать  
окончательнай завершениань по-  
лосанцты, социализмаста коммуни-  
мати постепеннайста йотамань  
полосати. ВКП(б)-ть XVIII-це съез-  
доц тя йотамати начертал гениаль-  
най план.

Иднятне лама ковонь ваймамо-  
дост меле тага кярьмодихть отлич-  
най тонафнемаць инкса. Минь рес-  
публикасонк аныцек пионерскый  
лагерьхненъ эса тя кизонда ваймась  
тьожятть идьт. Тя ваймамода меле  
лаказеви синь работасна, аф аныцек  
школаса, но и добровольнай ини-  
циативнай кружокненъ эзганга,—  
работазевихть планернай, модель-  
най, физкультурнай и иля кружок-  
невок. Синь овладевандамок нау-  
кать основанзон мархта, тьяка  
пингть внешкольной пингстост, но  
школаса кемо снесазь эсь физиче-  
скый развитиаснон, календакш-  
невихть, кода стальхть.

Тянь вельде старшай (9-це, 10-це)  
классненъ эзда кой-кона ученик-  
не анокласазь эса пряснон сред-  
ней школать аделамда меле посту-  
пиндамс военной школас, модемс  
минь странаньконь вооруженнай  
виензон рядс.

Мяляфтость, иднят, што кда тинь  
карматада лац тонафнема школаса  
тоса лац анокласасть эсь прян-  
тень, то высшай учебнай заведе-  
ниятненъ эсонга тиндеенть тонаф-  
немс ули пяк тьождя.

Пади тинь эздодонт кивок луво-

зе, кода физическый закалкась  
лездсь Хасан эрххть районца са-  
мурайхненъ тапамста. Вов няфттяма  
фкя аф оцю эпизотке, кода июльть  
29-це шистонза 11-кие советскый  
пограничник тюрсть 120 японскый  
солдатонь каршес. Тевсь ульсь тяф-  
та: лейтенантть Михалкинть погран-  
отрядонц лангс тя шиня обедшкада  
напал японскый отряд, ушедсь бой.  
Кувшинников снайперсь ветецть  
ляцемста шавсь 5 японецт. Илядых-  
не паникаса кармасть потама меки.  
Левай флангса ниле пограничникт  
тюрихть 20 самураень каршес.

Лама частонь пингс кефкие якс-  
терь пограничникт арелясть совет-  
скый рубежтненъ. Храбраень смерть-  
са погиб Михалкин лейтенантсь.

Бойть мархта руководствовать при-  
мазе Шляхов комсомолецсь отде-  
лениянь командирсь. Налетчиконь  
бандась сембе сядя теснайста лю-  
пшнесь кольцать пограничникненъ  
перьф. Кефкиеть эзда илядсть жив-  
ста кота, и сятка сембе ранендафт.  
Но синь ашезь кадонда тюремань по-  
леть. Японскый офицерсь салава  
шашть полевой отрядть ваксса  
ащи Шляховть ваксс и йоразе сонь  
сялгомс штыкса, но Шляховсь коч-  
камок лядыкс виензон, клокса  
праптозе офицерть модать лангс  
и сялгозе штыкса.

Безымяннай сопкаса ушедсь ру-  
копашнай схватка. Ксобоков по-  
граничниксь тюри кафта японцонь  
каршес, теенза удалась матомс  
кафцьке вракне.

Кота отважной пограничникт,  
конат закаленнойхтельхть физичес-



ки и политически, кирдсть виень коряс аф ровнай тюрема и тиезь сембе сянь, мезе синь здост эрявсь.

Меле тейст мольсь лезкс. Левченко лейтенантть отрядоц. Сокрушительнай ударсь решил бойть исходонц. Японцеце кадозь шавф и ранендаф солдатснон и йотасть эсь территориязост.

Физический закалкать вельде минь пограничникомьке Хасан эрхкть районца, сяськонтсть стама препятствият,—йотнесть стама болотань и ведень туркс, конатнень преодолевать физически аф закаленной ломанти пяк стакальхть, али йофси невозможнайхтельхть.

Отличнайста военной тевть мархта владендамок, закаляндамок эсь пряснон физически, минь боецоньке няфтсть боевой качестваень стама образецт, кодапт капиталистический армиянь солдаттне нинге онцтостка ашесть няенде.

Кит ульсть нят и лама нинге тяфтама отважной снайперхне, геройхне, патриоттне? — Синь тоже мзярда бди ульсть тинь лацонт тонафни идьтт. Аф аныцек школаса, но оцюста касомок синь родинаньконь врагонзон каршес тюремстонга няфтсть отличнай примерхт. Вов тейнтенге эряви улемс тяфтамкс. Хасановский геройхнень отвагасна, мужествасна родинати, коммунистический партияти преданостень опытна, эряви воспринять.

Касы мяльце, мзярда ванат советский иттне авиациянь шиста лисихть ульцяв эсь планерснон, самолетонь, дирижаблень модельснон мархта, демонстрируют марса оцюфнень мархта эсь павазу эряфснон. Саранск ошень детский технический станциясь августть 18-це шинцты аноклась самолетонь и планеронь модельхть.

Ламонц советский иттнень мяльсна арамс и улемс летчикокс-геройкс, кодамкс ульсь Валерий Чкаловсь, кодамкс ашихть Советский Союзонь геройхне-летчикне: Коккинаки, Громов, Байдуков и лама илят. Синь арьсемасна ули йотафтф эряфс, сяс мес минь социалистический странасонк сембе специальносттнени китьне панжадот. Сяс мес Советский счастливый иттнень колга пяк заботендай коммунистический партиясь, минь вожденьке, кельгома аляньке Сталин ялгась. Сталинский заботать вельде минь авиацияньке васенцесь мирса, советский летчикне советский машинатнень эса лиендихть сембодонга вярьге, сембодонга вишкста и сембодонга ичкози. Минь воздушной карабленьке лиентсть Москуста Востоку—Тихай океанть берягонзонды, Северу—полюсть вельфке—США-в, Западу—Атлантический океантт вельф,—Севернай Америкав, Югу—Чернай морянь берягонзонды. Тячимс нинге кивок не перекрыл Громовть экипаженц рекордонц, конац видеста лиендсь 12411 километрат и ащесь воздухса 75 част. Минь самолетоньке 12 тьожяньда метрада вярьге лиендихть и максихть частти аф 500 километрада кржа расстояния.

Мзярдонга аф юкставихть Чкаловть, Громовть и Коккинакить США-ть территориязонза лиемасна, конат няфтезь сембе мирти мезс, именна, способнайхть минь сталинский соколоньке, минь стальной птицаньке.

Минь авиацияньке августть 18-це шистонза нинге весть демонстрировандасы эсь боевой мощенц, эсь анок шинц тапамс любой врагть, конац аныцек йорай эцемс минь священной моданьконь лангс, и тапамс сонь ся территориять




лангса, коста сон эцесь. Тяфтама урок минь авиацияньке ни няфтсть японский самурайхненди, конат йотай кизоть Хасан эрхкть районца эцекшность минь территории, но меки пакарнясненок ашесь кочкав, шорявсь модать мархта шовор.


Вов кода минь летчиконьке-бое-

цоньке, пограничникомьке отлична, геройкс тапсесазь и тапасазь родинать врагонзон, станя геройкс, отлична тонафнеда тинге, овладевайте наукать мархта.


Тя кизонь учебнай кизоста пунта эсь инголент кеме задача: тонафнемс и тонафнемс аныцек цебярьста и отличнайста!











Августь 18-це шниц — та сталинский авиациянь ши. Тя шиста сталинский авиациясь тии итогт кизаквалмонь пингонь работанцты и сувафты авиациянь историяти международнай рекорднай од победат.

Мзярда варжакстат международнай авиационнай федерациять сводканц, мекольдень 3 кофнень пингста установиндаф рекорттнень колга, и сембе вастса инголи ащикс ныйсак — „СССР-ть“. Аньцек планерса инголи арьсев пунктсь ичкози лиемань рекордсь ульсь заняф Германиять мархта. Но и тя рекордськя эрясь аф ламос. Советский планеристне Карташов, Совцов, Клепикова, Зеленкова ялгатне блестяйста перекрыли тя рекордть.

Аш косонга марнек мирть эса стама спортивной авиация, кодама минцонк — социалистический родинасонок. Осоавиахимонь аэроклубнень и школатнень эса, парашютнай и планернай кружокнень эса мужественнай и жизнерадостнай од ломаттне тонафнихть воздушнай стихиять сяськома.

Сембонди прекрасна содаф, што Советский Союзонь Геройть, Великой летчикть — Валерий Павлович Чкалов ялгать перелетоц ащи ке-

потьксокс марнек мировой авиацияти, конань тиезе Москва-Севернай Америка сталинский маршрутка.

Минь советский авиациясонк аф кржа замечательнай летчикта, инженерда, техникта, конат ащикть фкя инь боевой резервакс Рабоче-Крестьянский Военно-Воздушной Флотоньконди. Фашистский агрессорть каршес грядущай бойхненди сон апак лотксек аноклай мужественнай, смелай, и героический отвага мархта летчикт. Синь анокт максомс сокрушительнай отпор фашистский огрессорхненди, конат аф весть ни тяряфнесть и тяряфнихть нарушить минь павазу и радостнай родинаньконь границанзон. Вов тянкса и эряви минь странаньконьди лама первокласнай летчикт, штурмтт, парашютистт, конат маштольхть лиендема сембодонга ичкози, сембодонга вярй и сембодонга вишкста.

Минь прекраснай родинасонк жизнерадостнай од ломаттне, конат фатяфт аф ащемшка оцю патриотизмаса эсь прекраснай родинаньконди, синь оцю мяльса тонафнесазь летнай тевть. Нльне минь советский юнай конструктороньке, авиомоделистоньке занязь рекор-



донь лувкссть коряс васенце вастть марнек мирса. Синь конструиовандайхть модельхть, тиендихть синь эзост бинзиновой моторнят, и ня самолеткятнень мархта перекрывают сембе мировой рекорттнень. Тяфта сясаськ кепотьксонди, московский школьникть—Лионид Воробьевть моделенц, кона кирдсь воздухса I част 31 минутат 24 секундат. Владимир Бойковть моделец ульсь воздухса I част 51 минутат 40 секундат.

Мировой парашютизмать историся ащи фкя инь оцю событиакс, конань аф кунара тиезе Якстерь Армиянь парашютистонь сборсь. Тяса няфтьф парашютнай спортонь высокай техникась, конань вельде нинге весть няфтьф советский парашютизмать виец.

Советский од ломаттненди ащи фкя инь заветнай арьсемакс—арамс летчикокс, тонадомс стальной нармттнень мархта управлениять. Летчиконь профессиясь, конанди эряви оцю отвага, лама знания, огромнай воля и вий, пользовандай минцонк всенароднай кельгомаса.

Минь эрятама тяниень пингть пяк напряженной международной

обстановкаса. Агрессорхнень ширде минь родинаньконь лангс пелязста войнань анокламань условияса, тяфтама войнань постоянной провокациянь условияса.

„...Эряви всемерна вишкотемс и кемакстамс минь Якстерь Армияньконь, Якстерь флотоньконь, Якстерь Авиацияньконь, Осоавиахимть. Эряви кирдемс марнек народть мобилизационнай готовностень состоянияса, военной нападениянь опасносттнень инголе, штоба кодамовок „случайность“ и кодамовок фокуст, конат тиендевихть минь внешний врагоньконь ширде, не могли сатомс минь в расплох...“ (Сталин).

Обнаглевшай врагсь мзярдонга аф сатсамазь минь в расплох. Сон мзярдонга аф сатсы в расплох минь Якстерь Армияньконь, минь сталинский авиацияньконь.

Ленинонь—Сталинонь великай тевсонды, эсь родинаньконди беззаветна преданнай мужественнай советский летчиконьке, конат окрыленнойхть всенароднай кельгомаса, апак сизсек совершенствовандайхть эсь летнай искусстваснон, вятсазь инголи социалистический авиациять, кона анок победнай бойхненди







Бойть прокс ушедомда инголе мон арьсень сувамс комсомолу, молень политрукти и азыне тейнза:

— Политрук ялгай, мон молян бойс, лувомась монь комсомолецкс.

1938-це кизонь августь 5-це шист-нза ульсь пяк серьезнай бой японский самурайхнень мархта. Мон командовань отделение лангса. Японце не кемокстась сопкатнень и мольфтьсь ся ширде апак лотксек ляцендема. Командованиясь путсь минь лангзонк задача:

— Йордамс синь окопнень и укрепленияхнень эзда.

...Врьгате мк минь инголи, йотаськ Японский окопнень. Кивок изь арсе опасность колга. Минь содаськ, што тя минцень родной моданке, конань фатязе врагсь, сон мрдафтомс меки эстейнек и машфтомс японский бандиттень.

Тяни, мзярда лятьфат сянь колга, што аш кода верондамска нльне, а вдь минь молеме атакас и пеедеме. Сембе улеме минь ялгат, инь маластонь ялгат, кода родной братьят. Кажнайт, минь эздонк, мялецольтемс настоящей подвиг минь великай родинаньконь инкса, Сталинт инкса! Арьсеме минь аныцек фкянь колга. Кода ба сяда кемоняста пиксомс Японцень, сывомс синь штык лангс и машфтомс.

Пряма молемпачк арафнеськ пу-

леметтень и шавоме самурайхнень ланга. Наступленияхн пингста ласькомпачк, мон няине, кода сопкать бокста ушедсть ласькома Японце не: синь потасть меки, йорязь модать лангс сембе эсь снаряженияснон. Тейнек исть сатов синь: сяскава вишкста ласьксть!..

\* \* \*

Молень Госпитали полкс коря эсь ялгасти, сон ульсь ранендаф Хасан эрхть ваксса бойхнень пингста:

— Пулясь повсь монь пильгзон, савсь мадомс модать лангс и учемс мзярда сайхть инксон санитархне. Вакссон ащи винтовка—вернай ялгазе. Вдруг ванан шашты тейне РККА-нь лейтенантонь формаса ломань. Кядьсонза сонь револьвер парабеллум. Шаштсь малазон.

— Тон мес, стакаста ранендафат?—Кизефни сон.

— Кулсян,—салаване азыне.

—Аф содасак, лама ли подкреплениянди кучсть?

— Пяк лама.

— Авиацияда лама кармай улема?

— Корхтасть, што 500 самолет.


— Шарьхкодине мон, што тя Японцень ширьде кучф шпион. Оцязоронь, сяда ингольдень офицер, переодетай минь формасонк и арь-



сень мон нинге: „Политрукть кядьса  
могут улемс эрявикс документт, а  
шпионць фатясыне синь“. Эста мон  
мадонь пекезень лангс, сатыне

винтовказень, целянь и ляцень. Ста-  
няк иляць сон тозк—шавфста.

Орденонссец П. Г. Антонов.







1938-це кизонь августь 6-це шистонза Заозернай высотать видеса минь атаканьконь пингста мон марса лия боецнень мархта теряфнеме сатомс вишкста отступандай японецнень. Но пулемет мархта наступандамс ульсь стака. Савсь тейне илядомси мадомс пандонять алу, лия боецне тожа лоткасть и мадонсть.

Ладяйне мон пулеметозень од позицияс. Маряса, кода японецне иваткшихть, аноклайхть пря контрнаступеленияс, мондейне нинге састь пулеметчикт. Кода аньцек японецне кармасть эцеме минь лангозонк, минь анокламе, нолдаськ синь йофси малав и ушедоме уроганкс ляцендеме пулеметтнень эзда. Тусть ласькозь синь меки и оду сяда ламоксть атакас исть эцекшне—пельсть.

Но тяни минь боецоньке, аф максемок японецненди арьсекшнемс пинге, врьгятьсть атакас.—Тя ульсь яростнай штыковой атака! Миннетне японецнень сатозь пяк вишкста, тапазь синь пулеметчикснон.

Мон бугорнять фталда ванан, сембе найви, кода кядькунчкаса.

Японецне—серес аф оцюфт ломаттне, но повондыхть кой-мзярда коренастайхтьке, лангозост ваномок кемот. Мзярда минь боецоньке сатозь

синь, то няевсь, што миннетне пцтай сембе целай фкя, кафта пряда сяда серихть—японецнень коряс. Ванонь мон, кода минь фкя красноармеецоньке щафнезень штык лангс японецнень и йорязень прянц вельфкя.

Курукста самурайхне окончательно эводсть и ласьксть меки, нльне исть варжаксне фталунга. Тяни сась очередсь тейне—мон апак лотксек ушедонь ляцендема ласьки японецнень лангс.

Тя атакада меле, минь занямя лия позиция.

\* \* \*

Валдашкадома шовор монь малазон шаштсь минь полкстонк звондай командир. Спокойнай тяфтама ломань, пеедемок, кизефни эсон:

— Ранендафат?

— Дз,—корхтан мон,—пильгс ранендамазь, но фа вишкста

— Ну, ну, ащек мадозь,—отвечай сон. Валхнесайне японский снайперхнень тоса туят.

Сон ульсь сверх снайпер. Пряма сьяка ямаста, коса минь улеме, сон прафтсь винтовкаса японский вете снайперхт.

— Ну тяни шаштт, да сяда осторожнейста,—азозе тейне.



Шаштонь мон кафтошка километра—пря кеподемс ашель кода, нйисамазь японецне—прафцамизь, да и сярядьфсь пильгсон шорсесь. Няине мон эсь тачанканьконь, сон кочкесь раненайхнень, сявомань и моньге. Йотаме сядошка метра, ванцаськ—ащи матфста ранендаф комиссарсь, кеподеськ сонь и туме сяда тов.

Японецне нязмазь минь и ушедсть пулеметста ляцендема минь тачанканьконь лангс. А эзонк кодонга аф повихть—Хасан эрхкти пулясна лиихть, йотаме минь сопкать тона бокс, тьаса спокойна. Вдрук вагтама судемсть кафта ломатть формась минне синь лангсост, а винтовкатне аф минь. И шамасна

синь сакалукт симфт. Мон сразу шарьхкодень, кит синь. Азыне боецти, кона управлял тачанкать мархта.

—Эре мон править карман, а тон шавить синь.

Сон эстакиге тиезе тянь, да стане вишкста, што синь исть кенере лафтузост винтовкасион путомска.

Синь минь тылозонк кучсесь хасановский бойхнень пингста белогвардейский бандитт, штоба шавондомс минь ширьденон ранендафнень, содсемс военной секреттнень. Тянкса синь переодевали минь форманьконь. Но тейст изь удада содсемс мезеге, изь удада пакостендамс: минь синь машфтоськ.

Орденоносец Г. Т. Стабровский.







Ф. Биксеев

Рана шовдава,  
Шинь стямась мазомсь.  
Вася йоразе  
Радостенц азомс.  
Оцю мялезе,  
Летчикокс арамс,  
Летчикнень мархта,  
Родинать морамс.  
Тяни мондейне,  
Вай кемонь киза,  
Касан оцюста,  
Тонафнян тоза.  
Карман содама.  
Тя пях оцю тевть.  
Карман службама.  
Родиназе,—тейть!  
Кивок изь сотсе,  
Сталень нармттнень.

Ня пек оцюфнень,  
Сталень ваймотнень.  
Аньцек тяни минь,  
Эсь странасонок  
Нармтт тийхтяма,  
Эсь келесонок.  
Тонафнесаськ лац,  
Тя нармонць мезень,  
Тянь инкса путса,  
Сембе вийзень.  
Работама карман,  
Тя нармонтт мархта.  
Вракнень эзда мон,  
Родинать ванца.  
Оцю мялезень,  
Эряфс йотафтса.  
Оцю радостьса,  
Нармонтт тонатса.

1939 к.





# КАФТА мизотий

Аньцек лишь ушедсь сунергодома ушесь, минь туме инголи. Минь группасонок ульсь 4 пулеметт. Шобдавась ульсь туманнай— мезевок аф нйави. Вдруг марян кашторф. Мон молень сембода инголи. Ива-день:

— Стой?

— Отвечать:

— Своя!

Мон арьсезевонь: „может кие-кие минценнетнень эзда отвечась“ — и тунь вайгяльть лангс. Лядонць молекс нинге кемгафтувошка метра. Верностенкса арьсень нинге весть проверямс. Кизефнян:

— Кодама батальононь?

— I-це батальононь,—отвечать тоста:

„Аф миннет нят,“ арьсезевонь мон и лоткань. Монь мельган молихне тожа сембе лоткасть, шарьхкодеме мезса ащи тевсь. Тоса минь марьяськ синь корхтамаснон, кода нармотть ктрдыхть, лепяцяйхть мезе бди.

— Японецт!

Ся пингова синь ушедсть пулеметса ляцендема. Мон прань. Ляцендемась моли монь вельфкан. Мзярда прань, прастон ляць касказе.

Венептине кядезень, сатыне, путыне прязон и маряса сурне бта сразу толс кровязсть

Васенце ранендамась. Тарфцайне, сурнень—работайхть, сембе в порядке. Варжакстонь кемончка метрань расстоянияса ащи сопканеть лангс, и комотень сонь омбоце бокозонза. Тоста муйне сембе эсь группазень. Тясa минь ушодоме японецнень лангс ляцендеме. Машфтоськ синь пулеметнай точкаснон. Сон лоткась.

Азондан нинге фкя случай. Аф оцю группанень минь тиендеме перебежкат японский пушкаса и пулеметса ляцендемаснон ала. Кода аньцек маттама коза нибудь, лувонд-саськ боецнень, ванцаськ улихть ли раненайхть или шавфт. Ранендафт ульсть. Войнаса тяфтома аш кода. Но дивандаме минь сянди, што сембе ранедафт копорьс. Японецне минь сельминголенк, а пулетне пяхрихть копозонк!

Мон шаштонь пулемёт расчет мархта, Хасан эрьхкть беряконц кувалма, сендихнень эзда аф ич-козьге. Кямозон монь мезе бди повсь. Озань каяйня кямозень. Вдруг сендихнень йоткста марявсь шум кодама бди. Аньцек аноклань пря




минценнетнень сатома, и марявсь  
танга шум. Кяшень мон пандонять  
фталу. Минутада меле няян, кода  
сендихнень йоткста лиси японский  
офицерский мундирса ломань.  
Няемань монь, комотсь меки, да  
вдь сендихнень йоткова стака  
ласькомс. Винтовканц сон йордазе  
сендихнень йоткс ведти. Мон мель-  
ганза ласькозь, сатыне и тиень

обыск. Мундиронц ала перьфканза  
карксаф шнать эса ульсь повффаф  
оцю маузер. Варжакстонь шама-  
зонза—трванза сонь лофташкадсть,  
трнатыхть.

Тя ульсь белогвардейский поп,  
конац служась японский фашист-  
тненди.

Орденосец Н. М. Курков.







А. Малькин.

Панжи школьной  
садть кучкаса,  
Коса топольхть, касыхть,  
Ведьлопшсь ару  
пруднять эса,  
Мазы прянянц шнасы.  
Прудть крайсонза  
озсефт шабат,  
Шамас коря,—кенярьтьфт;  
Велькссост  
весьала и пара  
Сенем зонтик менельсь.  
Якстерь марень  
Щека пряснон  
Садонь кожфкясь палси,  
А инголест  
ярхцамс кочкафт  
Саднять эзда марьсна.  
Пруднять крайса  
Яксяркт, мацихть,  
Сувасть шудерксяти...  
Вага шабатнень  
Ваксс нежедсь  
ялгасна синь, Петясь!  
Нежедсь, и кенярьтьфсь  
Шамаванза срады.

И пшкядсь сон:  
Ялгат азан  
Теенть оцю радость,  
А сонць таргазе  
Газетать и лувсь стама васта,  
Коса азфоль:  
Мишать братьяц  
Зоркайста ванц масторть,  
Сянкса орденца  
Сонь казезь.—  
Оцю тя наградасть—  
Сянкса Мишаське пяк кенердсь,  
Казезь мес сонь брадонц.  
Мишать мялец ласькомс куду,  
Тядянцты тянь азомс;  
Но и курок саднять эса  
Шабатне шумназевсть.  
Васясь мярьги:  
Монга аран,  
Кода Мишать брадоц,  
Панжи родиназень ванан,  
Фкавок враг аф кадан, кона йорай  
Павазть машфтомс,  
Эряфть панжи садонц;  
Сембе азозь: минь ульхтяма,  
Кода мишань брадоц.

1939 к.







Я. Пинясов.

Кода аф кельгомс тяфтама ару льяннять, кда сон эшеньфнетянза, нят пси июньскяй шитнень эзда, штасы телацень, конань меле шуварнять лангса манинясь кармай кельгозь палсемот эсь золотань лучасонза.

Каникулонь пингста ваймоси шабатне сядонга кельгозь тя льяннять, кона бта серень пря куй саворне мянцевозь шаштсь пиже лугать кучкава...

Весть шовдава, мзярда аныцек кармасть коськома шобдавань расанясь, Ванясь и Мишась—кафта цебярь ялгатне ащесть кельгома кальняснон ала и ванць ульмонь лесканяснон лангс, конат уендсть ару льяннять эзга и саворня сьокорязь калнятне.

— Ванька?

— Мезе?—кизефтезе Ванкась и ванць Мишать сельмос.

— Тон приметайть али аш?

— Мезе?

— Вов,—няфтсь сурсонза льяннять лангс,—няйсак кода кармасть кирьма.—Йотай кизоня тя берягть ведсь сатнезе, а тяни потмакскяи кармасть илядондома.

Ванькась варжакстсь льяннять лангс и бта пичедезь мяргсь:

— Эрь кизоня ведсь прай.—Коса карматама эшлякшнама?

— Пади кивок перязе льянняянконь?—аф верондазь пшкядсь Мишась.

— Монь мяльсон косонга перяф, эряволь варжамс минь льянняянконь сярятьфонц.

Мишась шангазе кенеренц и ащесь апак корхтак. Сон арьсесь льяннять пенц колга; коста сон сай, мес инголе ульсь сяда крхка, а тяни кармасть няевома шуварсь, нльня восток трусатнень пенясновок аф начкихть.

— Содасак, Ванька мезе мон арьсень?—кенярдезь пшкядсь Мишась.

— Мезе?

— Аре тутама ляйть пенц вешема.—Мусаськ сонь, интереснай тя ули, а мзярда мольтяма тага школав, минь азонцаськ эсь путешествованьконь ялганьконди.

— Ванькать сельмос лиссть кенярьдемась толнят. Сонь мялецьоль тумс тячикига, но Мишась мяргсь тя тевти эряви анокламс.

— Мезе эряви сямомс мархтонк?—



максь кизефкс Мишати Ванькась, кона отвечась, што васенькигя эряви сявомс кафта-колма шинди ярхцампяль, кшнинь каймонят, а кда кшнинь аш, то кондясти шуфтоннесья.

## II

Кафта шида меле Мишась и Ванькась ульсть ки лангса. Синь веселай аськолксса аськолясть ляйнять крайганя. Копорьсост шарондсть афоцю кескавнясна, коса ульсть путфт продуктасна и крушканясна, а кядь песост кандозь каймоняснон.

Синь мольсть шиньберьф, учсезь мзярда сай пруд или ляйняти кодамовок лия шоряфкс, но мезевок исть му, аныцек няезь сянь, што ляйнясь ков молят сяда тов, сонь ведец кири аныцек, башка вастонь, кой-коса повондыхть аф оцю омакат.

Шись арась ни валгома вастозонза, но ляйть пец нинге изь няев, аныцек няевсь стенакс ащи пиже вирсь, коса кукунясь лувозень кинь бди кизонзон.

— Ну, кода?—Сизеть?—Мишась кизефтезе Ванянь и путозе каймонянь.

— Мон аш, а тон кода?

— Монга изень сизе, но эряви ваймамс.—Фкя шиня аф эряви маятафтомс пряньконь,—корхтась Мишась и кармась кяскавнястонза продуктань тарксема.

— Монь мяльсон, Миша, васенькигя эриволь эшлямс, а тоса ярхцамс,—советондась Ванянь и учссь Мишать согласианц.

— Да, тя сяда пара ули,—каямок трусанзон отвечась Мишась.

Илядь малати ведсь ульсь нинге сяда лямбе. Синь эшлеть, штасть и кармась ярхцама.

— Коса тяни удотама?

— Кошса косовок, а кда пачкодтяма вири, куцтяма шуфта пряс и удома,—корхтась Мишась, конань шовор пандонять алда кулевсь траксонь кргаса пайгонянь вайгяль, а тоса кулевсь кувакаста таргави вайгяль Со-о-о-ль, Со-о-о-ль, Со-о-о-ль Со-о-о-ленька!..

— Кульсак?—Тяса траксонь стойла улема, али колхоз кодамовок, а тя вайгяльсь постуфонь. Постуфне тяфта иватькшнихть. Монь атязе сявондемань вири мархтонза колхознай тракснень ваноме и тяфта иватькшнесь.

— А местема?

— Штоба тракснень пуроптомс марс. Синь тонадозь атязень вайгяленц, сяс мес атязе шобдава расав лугать валонкшнезе салса,—корхтась ванькась, а тоса стясть вастсост прдазь ярхцамбяльснон и тусть сяда тов.

Куцемок пандонять пряс, синь инголест, пандонять ала, кода сире бабаня озафоль аф оцю кудня и инголенза перяфоль олгоняста калдаз, коза пексневсть траксне

— Вов и тейнек удома васта.

— А кда афнолдасамазь?

— А минь кизефтсаськ постуфть. Тяса постуфсь азорсь,—пшкядсь Мишась и пялес ласькозь тусть алу пандонят.

— Нолдасамась удома, атая?—кизефтезе Мишась шуфта юрть лангс озаф атаять.

Атясь ванозень шабатнень пильгста пряс, шукадзе срмаф кядь лапшезонза трубканц и кизефтозень:

— Тинь коста?

— Эсь велестонок.—Отвечать йолма туристкетне.

— Коза мольхтяда?

— Лайть пенц вешема.

Мекольдень валть эзда атясь ша-



рьхкодезень шабатнень киснон и мярьксь:

— Нолдатыдезь; коза афсодаса аньцек маттада? Вона коськя тишетнень лангс, али куду?

ракады нармонень лефкскя, кона эрьгодсь эсь тядянц эзда.

Коса ина ули ляить пец?

— Али сизеть? — отвечась Мишась и кядьсонза няфтсь ляйнять лангс. —



— Минь тишетнень лангс, тоса воздухсь сяда цебярь.

Ужендамода меле шабатне куцсть коськя тишетнень пряс и куроқта кутмордазень танцти удомась.

### III

Синь сргозсть шобдава рана, аньцек мзярда кулевсь постуф атять локшень лкштадемац и тракснень парамасна...

Стясть, штазь шамаснон родниконь кельме ведняса, завтракасть и тага тусть эсь кигасть.

Молемок аф ламос, синь инголест стясь эсь сери мяштензон мархта сетме вирсь, кона куроқта кяшезень йомла туристкятнень эсь эшксонь вельхксонза.

Вирсь ульсь сетме, анецек коймзярда шерьхкозевихть поють бескойнай лопанза, да коса-коса чи-

Тяни куроқ сай пец, нйасак кармасть васедькшнеме йомла родниконят, конат пракшнихть ляйти.

— Но тя, вдь нинге аф пец?

— Тяни куроқ?

— Али сизеть?

— Аш, но вдь ичкози пачкодьятама:

— Ляйсь вятьсамазь меки мянь куду.


Мзряс мольфтезь корхтамаснон синь молсть все инголи и инголи и куроқта нйасть мезе бди стяда.

— Тя аф офта? — Кизефнесы Мишать Ванясь.

— Аф, кати мезень кош—аф верондазь корхтась, но куроқта нязь вармань веляфтф кувака пичеть, конань юронза моданек таргафтольхть ушу и паннезь ся родниконят, коста ушедкшнесь ляйнясь,

— Ах, вага мезса тевсь! — Шаштомок шуфтть юронц тейс, пшкядсть и шабатне озасть юрть вакс.





Ков шись арсесь обед малати,  
тов тийндевсь нинге сяда пси.

Аф кувака пингсваймосемода и  
ярхцамода меле ушедсть работама.  
Синь сявозь кшнинь каймоснон и  
зряскадозь шувсть родникть, ко-  
нань шуфтсь пандозе эсь юрон-  
зон мархта

— Эх, кда улелень тяфтама вии,  
сыволине шуфтть, йордалине боку  
и катк родниксь кармаль лифтема  
эсь сиякс ащи веденц.

— Минь каймосонга ароптсаськ, —  
отвечась Мишась и тага кармасть  
шувом.

— Вортъ Миша! — Пеетькшнезь  
пшкядсь Мишась — уйфтянза ведсь!  
радостнайста ивадсь Ванькась.

Видекс, родниксь, лифтемокару-  
веднянц, кармасть пшккодема ляйтъ  
эса аф оцю омакятнень и тусь  
ингольдень кинц эзга..

#### IV

Шись ульсь пяк пси, нльня копакшу  
кузь ала опана. Шись эсь псинц

кайсесы кузь салмоксанзон йотко-  
ва кафта ялгатнень лангс, но  
родниконянь эзда яфоди бта танцти  
кельмоне.

— Ванька, содасак минь кодама  
цебяръ тев тийме?

— Кодама?

— Минь, ароптомок родникть,  
максоме аф анцек ломаттненди  
удовольствие, но и сяда цебяръгоф-  
тоськ колхознай жувататнень  
пойласнон. Тяни тейст ули возмож-  
ность симомс и эшендемс сяда  
цебяръста. Ато коскондсь пцтай,  
ляйнясь. Киндиге „изъ эряв“, — путо-  
мок Ванькатъ лафтус кяденц корх-  
тась Мишась, — мастороньке сем-  
боса козе, но улихть нинге стама  
ломатть, конат аф нолясазь тевкс  
нят козе шитнень.

— Миша?

— Мезе?

— Кие бди йотась ласкозь, эво-  
дезь ащи.

— Ах, вона, вона, кати мезе тии.

— Тол! Тол, путсь!

— Крвестезе вирть, — эводезь



корхтасть шабатне и яцесь лопав  
илиень тьялмот родникти.

— Матомс!—Сяда курок, матомс  
начка тьялмоса, — ивадсь Вань-  
кась и пецек тусть ласькозь толть  
шири, кона кармась келемкшнema  
тараттнень и коськя тишеть эзга,  
но кръвастись тоса ашель ни.

Шабатне куроқта начка тьялмо-  
сост кармасть толть матома, но  
толсь куроқта кармась келемкшнema.

— Канават! Канават 'шувомс, и  
афнолдамс пиче и кузналти, синь  
пряс кярмодема,—оцю тревога мар-  
хта иватькшнесь Мишась и кафцькя  
ушедсть кшнинь каймоса толть кинц  
перяма.

Толсь ульсь матф оцю труд марх-  
та, но сянъ эзда аф ичкозе кулевсь  
цятордома, няевсь качам, и марявсь  
паломань шине.

—Тятага вирень палома, но па-  
жарсь занясь сяда кели васта,—  
корхтась Мишась и оцютревога марх-  
та ванць шири, коста бзра—оцюпона  
бурай офтокс лиссь качамсь.

— Миша? — А нят пьялнятне

месть? — кизефтезе Мишась Вань-  
кась, а сонць кеподезень марс  
кярксаф кшнинь пьялнятнень.

— Нят модань мераень пьялнят.  
Няить колхозу сашендсь землемерсь,  
сонь ульсь кшнинь лентац и тяфтама  
пьялнянза.

— Ванька сявить, синь кармайхть  
эрявкстома.

Мзярда тусть ласькозь пажарть  
шири, синь нйасть ужаснай кар-  
тина. Целай гектар вирь ульсь  
заняф толса и ласьксть лама народ  
каймоснон мархта, конат работасть  
вирьса. Народть йоткста няезь ся  
ломанть, кона кръвастезе вирть.  
Сон ащесь фкя вастса и сюцесь  
вирень кръвастить эса, но народсь  
работасть оцю виень путозь.

— Ведь эряви, ивадсть алятне.

— Ведсь коськсь, — отвечасть  
иватькшнихнень каршес, конат  
изезь сода шабатнень работаснон.

Мишась шаштсь фкя алять малас  
и азозе, што синь ляить ароптозь  
и эрхкне пяхксет ведьта.

Алятне куроқта тусть ласькозь





ляить шири ведаркаса ведь мельге.

Илядь малати пажарсь кармась лоткама.

— Няйсак, Ванька?—бокс токазе Ванькаты Мишась,—минь работань-ке тясонга кондясть.

Алятне дивасть сянь лангс, што кона пинкста пяхкодсть ведьта эрыхкне—аньцек исяк ульсть коськт. Но сянкса „вирень мерайсь сюцесь:

— Сволочт!—Диверсантт.—Кинди шорьсесь вирсь. Тя минь марстонь богатстваньке!

— Няйсак? Содасак, Ванька?—прясонза няфтсь Мишась крвьястить шири.—Вов плащськя сонь, кеп-каськя, вов и лентаськя сонь кядь-сонза, а эведембачк пяхляньзон юкстазень.

— Илядь малати коста бди ардсть военной ломатть.

Лента мархтось няеомк нят военнайхнень, мольсь синь малазост и кармась кядень яфиязь сюцема сят ломаттнень, конат тиендихть деверсионнай актт.

— А тон коста?—кизефтезе фкя военнайсь.

— Монтястонь—землестроителян. Кучфан тяза вирень мерсема.

— Так.

— Мон тьса визиркат мерань,—корхтась мерайсь и тага сюцесь „муворуть“.

— А тинь коста, озорникт? Тинь крвьястеть, — кяжиста пшкядсь фкя военнайсь, шаштомок Мишаты малас, но няезень Ванькаты кядьста кшнинь пяхлянтнень, шарфтсь землемерть шири:

— Али нят тонь лезды ялгатне.

— Аф, мон синь аф содасайне?

— А мес ина максыть тейст пяхлянтнень?

Мзярда тяфта кизефтезе военнайсь

и няфтсь пяхлянтнень лангс, сонь сельмонза эводезь пиндолгодсть, шамац лофташкотсь, арась кати кодама дикайкс, тянь сюнеда изь му ответка.

— А тинь сонь содасасть?

Да,—няендесък аф кунара,—боевойста отвечась Мишась.

— Коста?

— Сон крвьястезе вирть омбоце вастста и юкстазень пяхлянтнень.

— Коста? Омбоце вастста?

— А вона, аф ичкозде, минь сонь матосък.

— Ну, гражданин, айда варжасаськ.

— Васькафнетяда!—Васькафнетяда идол лефкст?—кяжиста ивадсь крвьястись и врьгятьш шабатнень лангс.

— Гражданин!—Сяда спокойнайста!—пшкядсь военнайсь и тусть омбоце крвьястьф вастти.

Молебачк крвьястись порезень пеензон и салаване кшморай клоконзон.

— Тяни аф мода клокса грозямась,—пшкядсь военнайсь и сявзень шабатнень тифтень кядьганза

## VI

Аф лама шида меле следственной оргатне тевть кочказь. Вирень мерайсь ульсь диверсантокс. Сон тись лама диверсионнай актт, конатнень мархта государствати тись лама убытка.

Крвьястись ульсь судендаф, а шабатне врагть разоблачиндаманкса получать награда и благодарность. Синь пяхкодезь эзь должсн, честь мархта.

1939 к.






Ф. Бикеев

Зарять лисемдонза меле,  
 Чефксь моронзон срафнесь.  
 Тяфта сон веселайста,  
 Пионерхнень стяфнесь.  
     Тяда меле шинясь кепотсь,  
     Лямбонянзон нолясь.  
     Шовдавань заряткат тии,  
     Лагерьса Николясь.  
 Аф ичкозе лагерьт ваксса,  
 Вирень лаймось касы.  
 Вов и тя лаймонянь ваксса,  
 Колясь рапорт максы.  
     Тяфта радость мархта йотасть.  
     Кизонь мази шитне.  
     Лагерьста ни сайхть синь куду  
     Ваймаф шумбра иттне.  
 Никольсь тумстонза прощандась.  
 Эсь ялганзон мархта.  
 А сась куду пара мяльса,  
 Васьфтсь отрядонц тяфта.  
     Курок сай васень сентябрьсь,  
     Радостнайста учсезь.  
     Отлично тонафнеманц инкса,  
     Никольть лагерьс кучсезь.

1939 к.







Федор Дурнов


Сери панда прятне  
 Ковонь валдса удыхть.  
 Цифторды струятне  
 Мокшеть эса шудихть;  
 Тундань ару кожфкясь  
 Лиенди лугава.  
 Валда эрхкнень велькса,  
 Тишенятнень прява.  
 Берягова Мокшеть  
 Молян, ванан вести,  
 Коса палыхть тяшттне,  
 Кода крфай сеттне.  
 Кептерня монь кядсон,  
 Оцю кошяль—боксон.  
 Алязе и ялгац  
 Шерькихть шайхнень йоткса;  
 Сятавста синь бреднек  
 Ускихть, прясна комсихть;  
 А сыргозьф волнатне  
 Мяштсон келксихть, палсихть.  
 Маластонь вирьяста  
 Чофхсонь мазы морхт сайхть,  
 А рыбаке станяк  
 Сетьмот и аф корхтайхть,  
 Сяс мес пелихть эфтемс  
 Берягста Щукатнень,

Пярякашка эснень,  
 Акшелды платватнень.  
 Вов синь таргазь бреднекть  
 Берягу и комотсть  
 Пулонц шири, коса  
 Станя калхне жоледсть.  
 Што синь, мяргат, сембе  
 Тюрендсть, сялондсть спорязь,  
 Кяжса псилгофтф валса  
 Фкя-фкянь каршес йорязь.  
 Бреднекть малас тя пингть  
 Эряскаткшнень монга,  
 И седисон радость,  
 Кода атямйонга  
 Ульсь, мзярда кошельть  
 Лафтубрястон валхнень,  
 Берягста проворна  
 Марсень йоряф калхнень.  
 И тя идень павазсь  
 Налхксь шовдавас мяштсон,  
 Коста тяни тейнт,  
 Иднят, монь сонь тяштса:  
 Пади, валне лядихть;  
 Ляй трваса прязонт,  
 Эсь мзярда, или оконь  
 Пови ульмонязонт.

1939 г.







Иван Ерочкин

Вай, розняй, розняй.  
Колхозонь розняй,  
Кенеремс мяльце  
Золот колоскяй.  
Якан,—шарондан  
Перьфкат,—малават.  
Кизонь шиняса—  
Пиже пингеват.  
Ванан коданя,  
Мастору комсят.  
Эсь ёгкованя  
Каштордозь тошксят.  
Кашфторсь маряви  
Мяк монь пилезон,  
Пяшкся колазце,  
Пара мялезон.

Тяфта ялгай, сон  
Рознясь кашторды.  
Эсь нуманц колга  
Кулят азонды.  
Курок розня, тонь  
Нумот сатама  
Марстонь вийса минь  
Тейть кундатама.  
Тялятядязь тонь  
Кшнинь машинаса  
Фкя-фкянь йотазья.  
Пара мяльняса.  
Сусекс паксяста  
Урядатядязь,  
Золодкс ациняй  
Тонь аф каттядязь!

1939 к.






# Кизонь пизем

Ф. Дурнов

Менельть мутендазе вармась,  
Атямсь уносема кармась  
Йондолсь ашкоряй дуцятнень,  
Сетьмость велеса улыцятне;—  
Аньцек переста кинява,  
Куду итть ласькихть и ава:  
Авать элеса куярнят,  
Иттнень кядьса кшнинь шерямнят.  
Но вдруг эше кожф уфазевсь,  
Менельсь плязста уназевсь.  
Мянневсть модав иса прятне,  
Яфодсть пиземонь струятне  
Гривакс, шамф улыцятнень эзга:  
Пиземсь арнема тусь резга.

1939 к.







Питнец 20 трыошникт.



Пионеронь и школьниконь журналть лангс. Журналть нолдайнза: ВЛКСМ-нь Мордовский обкомсь и МАССР-нь НКП-сь. Журналь лисенди ковти весть. Подпискать примосесазь сембе письмоносекце, почтовой отделенияне.

**Питнец:** 1 кизос . . . . . 2 ц. 40 тр.  
6 ковс. . . . . 1 ц. 20 тр.  
3 ковс. . . . . — 60 тр.

---

Редакциять адресоц:  
Саранск, Советская, Дом печати.